

**Dogri**

**18-02-2026**

1. प्रधानमंत्री नरेन्द्र मोदी अज्ज नमीं दिल्ली च इंडिया ए.आई. इम्पैक्ट सम्मेलन च हिस्सा लैने लेई आए दे केई वैश्विक नेताएं कन्नै मलाटी करगंन।
2. राष्ट्रपति द्रौपदी मुर्मू अज्ज आंध्र प्रदेश दे विशाखापत्तनम च आयोजित अंतराष्ट्रीय बेड़ा समीक्षा 2026 आले कार्यक्रम च शामिल होआ””” करदियां न।
3. असम च सियासी पार्टियें चुनांस आयोग गी गुजारश कीत ऐ जे औंदे असैम्बली दे चुनांस इक्क जां बदोबद्द दंडु चरणें च आयोजित कीते जान।
4. मर्दे दे आई.सी.सी. टी-20 क्रिकेट विश्व कप च कल रातीं मुम्बई दे वानखेड़े स्टेडियम च खेड़े गेदे ग्रुप-सी दे मुकाबले च नेपाल नै स्कॉटलैंड गी 7 विकेटें कन्नै हराई दिता।

<><><><><><>

### **PM -Bilaterals**

प्रधानमंत्री नरेन्द्र मोदी अज्ज नमीं दिल्ली च इंडिया ए.आई. इम्पैक्ट शिखर सम्मेलन च हिस्सा लैने लेई आए दे केई वैश्विक नेताएं कन्नै मलाटी करगंन। श्री मोदी स्पेन दे राष्ट्रपति पेद्रो सांचेज़- फिनलैंड दे प्रधानमंत्री एंटी पटेरी ओर्पो- सर्बिया दे राष्ट्रपति अलेक्जेंडर वुसिकल- क्रोएशिया दे प्रधानमंत्री आंद्रेज़ प्लेनकोविच- एस्टोनिया दे राष्ट्रपति अलार कारिस- भूटान दे प्रधानमंत्री दाशो शेरींग तोबगे ते कज़ाकिस्तान दे प्रधानमंत्री ओल्ज़हास बेक तेनोव हुंदे कन्नै बी मलाटी करगंन।

<><><><><><>

## PM-Bangladesh PM

प्रधानमंत्री नरेन्द्र मोदी हो'रें बंगलादेश दे नमें चुने गेदे प्रधानमंत्री तारिक रहमान हो'रें गी उन्दे परोआर सनें भारत-जातरा दा साद्दा दिता ऐ। तारिक रहमान हो'रें गी लिखी दी चिट्ठी च श्री मोदी हो'रें दौनें मुल्खें बशकार बहु-आयामी दपकखी सरबंधें गी मजबूत करने लेई रलियै कम्म करने दी इच्छेया जताई ऐ। उ'नें आखेया जे भारत ते बंगलादेश नेइमे गोआंडी न ते दौनें मुल्खें बशकार सांझा इतिहास- सांस्कृतिक सरबंध- शांति ते समृद्धि दियें आसें-तांगें उप्पर आधारित गैहरी दोस्ती ऐ। प्रधानमंत्री मोदी हो'रें रहमान हो'रें गी उ'दी चुनावी जित पर बधाई दिंदे होई- इसी जनता दे विश्वास ते नेतृत्व च भरोसे दा प्रतीक करार दिता। श्री मोदी हो'रें आखेया जे भारत- सम्पर्क- बपार- तकनीकें- शिक्षा- कौशल विकास- ऊर्जा- सेहत- सांस्कृतिक सरबंधें सनें बक्ख-बक्ख खेतरे च बंगलादेश दे कन्ने सहयोग बधाने लेई वचनबद्ध ऐ।

<><><><><><>

## Prez AP Visit

राष्ट्रपति द्रोपदी मुरमू अज्ज आंध्र-प्रदेश दे विशाखापत्तनम च आयोजित अंतराष्ट्री बेड़ा समीक्षा -2026 च शामिल हो'आ करदियां न। सशस्त्र बलें दी सर्वोच्च कमांडर दे रूप च राष्ट्रपति होर नौसैनिक बेड़े दा निरीक्षण करगंन ते भारत दी नौसैनिक शक्ति ते समुंदरी समर्थ दा भव्य प्रदर्शन बी दिक्खगंन। अंतराष्ट्री बेड़ा समीक्षा दा आयोजन 15 थमां 25 फरवरी तगर कीता जा'रदा ऐ। इस समुन्द्री अभ्यास च 100 कोला मते मुख्य हिस्सा लै'रदे न। बक्ख-बक्ख

मुल्खें दे युद्ध पोत- पनडुब्बियां- जहाज ते प्रतिनिधिमंडल एहदे च शामिल होइयें- वैश्विक नौसैनिक शक्ति ते सहयोग दा प्रदर्शन करगंन। एह आयोजन इक ऐसा मौका होंदा ऐ जिसलै राष्ट्रपति- भारती नौसेना दी समर्थ दे कन्नै दोस्त मुल्खें दे जहाजें दा बी निरीक्षण कर'दियां न। एहदे च प्रमुख युद्ध पोत ते पनडुब्बियां हिस्सा लै'रदियां न। राष्ट्रपति होर कल संजा विशाखापत्तनम पुज्जियां हियां।



### **Macron –PM G-7 Summit**

फ्रांस दे राष्ट्रपति इमैनुएल मैक्रों हो'रें इस बरे आयोजित होने आले 52में जी-7 शिखर सम्मेलन च हिस्सा लैने लेई प्रधानमंत्री नरेन्द्र मोदी हो'रें गी साद्दा दिता ऐ। इस बरे फ्रांस इस सम्मेलन दी प्रधानता करा'रदा ऐ। मुम्बई च प्रेस लेई जारी इक ब्यान च राष्ट्रपति मैक्रों हो'रें आखेया जे एवियन च होने आले शिखर सम्मेलन थमां पैहले- अंतराष्ट्री एजेंडे पर सैहमति बनाने लेई भारत ते फ्रांस दे बशकार इक बशेश बैठक दी लोड़ ऐ। मैक्रों हो'रें दौने देशे दे युवाएं लेई नमियें काहड्डें दे खेतर च नमें मौके विकसित करने पर बी जोर दिता। जी-7 शिखर सम्मेलन- अमरीका- ब्रिटेन- फ्रांस- जर्मनी- जापान- इटली- कनाडा ते यूरोपी संघ दे नेताएं दा सलाना सम्मेलन ऐ। प्रधानमंत्री नरेन्द्र मोदी हो'रें पिच्छले बरे कनाडा दे प्रधानमंत्री मार्क कार्नी हुंदे साद्दे पर इस शिखर सम्मेलन च हिस्सा लैता हा।



## Assam -India EC Meeting

असम च आँदे विधानसभा चुनाएं दियें त्यारियें गी लेइयें भारती चुनांस आयोग दी पूरी पीठै कल गुवाहाटी च सियासी पार्टियें कन्नै बैठक कीती। इस दरान सियासी पार्टियें सुझांस दिता जे राज्य च विधानसभा दे चुनांस इक जां फही बद्दो-बद्द दंऊ चरणें च करोआए जान। कन्नै गै चुनांस दियां तरीखां तय करदे बेल्ले बीहू पर्व गी ध्याना च रक्खने दी बी गुजारश कीती। भारत दे मुख चुनांस कमीशनर ज्ञानेश कुमार हुं'दे नेतृत्व च चुनांस आयोग दी टीम असम दे त्रंऊ दिनें दे दौरै पर ऐ- जित्थे ओह चुनांस त्यारियें दी समीक्षा करा'रदी ऐ। बैठक च भारती जनता पार्टी- कांग्रेस- मार्क्सवादी कम्युनिस्ट पार्टी- आम आदमी पार्टी- All India United Democratic Front- असम गण परिषद- बोडोलैंड पीपुल्स फ्रंट ते युनाइटेड पीपुल्स पार्टी लिबरल सनें केंई पार्टियें हिस्सा लैता। इ'नें पार्टियें मतदाता सूची दी नरसानी प्रक्रिया दी सराहना कीती। तांआई असम दे मुखमंत्री हिमंत बिस्वा सरमा हो'रें आखेया ऐ जे बी.जे.पी. चाहंदी ऐ जे असेम्बली दे चुनांस अप्रैल दे दुए-त्रीये हफते च मनाए जाने आले बीहू शा पैहले करोआए जान।



## Amit Shah -WB

गृहमंत्री अमित शाह अज्ज पच्छिम बंगाल दे इक ध्याड़े दे दौरै पर रौहगंन। कोलकाता पुज्जने दे बाद ओह नदिया जिले दे मायापुर च स्थित इस्कॉन मुख्यालय जागंन- जित्थे श्रील भक्ति सिद्धांत सरस्वती ठाकुर हुं'दी 152मीं

जयंति दे मौके पर आयोजित कार्यक्रमें च शामिल होगंन। श्री शाह जयपताका स्वामी महाराज हुं'दे कन्नै उच्ची सतह दी बैठक बी करगंन ते मंदर परिसर च आयोजित इक सार्वजनिक सभा गी बी सम्बोधित करगंन।



## ICC T-20

आई.सी.सी. टी-20 विश्व कप च अज्ज संजा 7 बजे भारत दा मुकाबला नीदरलैंड कन्नै होग। एह भारत दा आखरी ग्रुप स्टेज मकाबला ऐ- जेहड़ा अहमदाबाद दे नरेन्द्र मोदी स्टेडियम च खेडेया जाहग। उआं भारत सुपर-8 च पैहले गै पुज्जी गेदा ऐ। एहदे इलावा अज्ज दे दुए दंऊ मैचें च बड्डलै 11 बजे दक्खन अफ्रीका ते संयुक्त अरब अमीरात बश्कार मकाबला होग- जिसलै कि दिने 3 बजे पाकिस्तान ते नामीबिया दियां टीमां आमने -सामने होगंन। तौंआई कल खेड्डे गेदे 3 मैचें च न्यूजीलैंड नै कनाडा गी 8 विकटें कन्नै रहाया ते नेपाल नै स्कॉटलैंड पर 7 विकटें कन्नै जित हासल कीती- जिसलै कि खराब मौसम दे कारण आयरलैंड ते जिम्बाब्वे बश्कार मैच नैई खेडेया जाई सकेया।

